



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1563 usque ad annum 1566

**Fleury, Claude**

**August. Vind. [u.a.], 1772**

**VD18 90118626**

§. 100. Libellus conjuratis a Gubernatrice redditus adjecta ad marginem  
responsione.

---

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

„ut tales comprobati.,, Inde ortum trahit, quod illi, qui in Galliis Hugonottæ, vel Protestantes appellantur, in Belgio voce Gallica *Gueux*, seu *Geusii* vocentur, quippe Brederodus hanc vocem ex Barlamontii ore percipiens, cum altera die trecentos ferme conjuratos convivio exciperet, atque ibidem de nomine huic societati dando ageretur, ipse subridens præ ceteris primus dixit, eandem esse nominandam mendicorum, seu Geusiorum societatem, quod reliquis quoque placuit.

§: C.

*Libellus conjuratis a Gubernatrice red-  
ditus adjecta ad marginem  
responsione.*

Altera die conjurati ad Palatium re-  
vertebantur, responsum ad suum  
libellum præstolaturi, hos igitur Gu-  
bernatrix specietenus benigne excepit,  
eisque libellum reddidit adjecto in  
margine responso, quo intermittendæ  
Inquisitionis, edictorumque moderan-  
dorum spem faciebat, Regem tamen  
prius consulendum inquiebat: porro  
pridie in suo Senatu proponebat, an  
requirendum esset a conjuratis, ut suo-  
rum nomina declararent, eo quod in  
supplici libello duntaxat subscripsissent:

nos

Sæcul. XVI.  
A.C. 1566.

Strada de  
Bell. Belg.  
l. 5.

Sæcul. XVI  
A. C. 1566.

*nos humillimi Majestatis Regiæ subditi*, nunc ergo deliberabatur, an non adjungerent suum singuli nomen, sed pluribus id periculosum videbatur, ne per occasionem exigendi ab absentibus nomina, circumlato per urbes libello, plures sollicitarentur. Conjurati hoc responso ad suum libellum dato parum contenti a Gubernatrice petebant, ne gravaretur testatum facere, quod omnia, quæ ab eo Nobilium conventu facta essent, pro Regis obsequio, utilitateque fuissent: at cum id extemplo negaret Margarita, atque affirmaret, quod tempus, eorumque facta satis id omnibus testarentur, quo audito omnes discesserunt.

## §. CI.

*Pietatis erga Beatissimam Virginem in Belgio institutæ exercitium.*

*Strada l. c.  
Spond. hoc  
ann. 15.*

Ceterum numismata, quæ confœderati suis collis appensa gerebant, novæ pietati erga Beatissimam Virginem instituendæ inter Belgii Catholicos ansam præbuere; quippe Philippus Croyus Areschoeti Dux Hallim urbem tertia Bruxellis leuca distitam religionis causa profectus est, ac Beatissimam Virginem, quæ ibidem magna fidelium veneratione asservatur, honorare statuit: insuper ejus Divæ Virginis